



GIG
CYMRU
NHS
WALES

**Addysg a Gwella Iechyd
Cymru (AaGIC)**
**Health Education and
Improvement Wales (HEIW)**

Diweddariad misol yw hwn i bartneriaid a rhanddeiliaid ar ddatblygiad Addysg a Gwella Iechyd Cymru (AaGIC) gan ei Brif Weithredwr, Alex Howells.

Bydd y sefydliad newydd, a fydd yn awdurdod iechyd arbennig a'r unfed aelod ar ddeg o deulu GIG Cymru, yn cael ei sefydlu'n ffurfiol ar 1 Hydref 2018.

Gydag oddeutu dri mis tan i Addysg a Gwella Iechyd Cymru (AaGIC) gael ei sefydlu'n swyddogol ar 1 Hydref, mae'r sefydliad newydd yn parhau i gyrraedd sawl carreg filltir arwyddocaol.

Recriwtio

Rwy'n falch o gyhoeddi rhai o'n prif benodiadau i'r Tîm Gweithredol yn dilyn proses drwyadl o ddewis a dethol. Diolch i'r lluo o randdeiliaid a'r partneriaid am eu cymorth gyda hyn.

- Penodwyd **Stephen Griffiths** yn **Gyfarwyddwr Nyrsio**. Bydd llawer ohonoch eisoes yn adnabod Stephen yn dilyn ei rôl flaenorol fel Cyfarwyddwr Gwasanaethau'r Gweithlu, Addysg a Datblygu (WEDS), ac mae'n dod â chyfoeth o brofiad ar yr agenda datblygu'r gweithlu ac addysg i Fwrdd yr AaGIC. Mae ganddo hefyd hanes hir o weithio'n agos â llawer o'r partneriaid a'r rhanddeiliaid sy'n parhau i fod yn hanfodol i'n llwyddiant yn y dyfodol.
- Penodwyd yr **Athro Pushpinder Mangat** yn **Gyfarwyddwr Meddygol**. Mae Push wedi arbenigo fel Anesthetydd Ymgynghorol a Gofal Dwys, ac mae ganddo brofiad maith o weithio mewn swyddi arwain a rheoli yn y byd

meddygol. Ar hyn o bryd mae'n Ddirprwy Gyfarwyddwr Meddygol ym Mwrdd Iechyd Prifysgol Abertawe Bro Morgannwg, lle mae'n ymwneud â gwerthuso ac ailddilysu, cynllunio'r gweithlu, addysg, a moderneiddio'r gweithlu. Mae gan Push hefyd brofiad blaenorol o weithio fel Cyfarwyddwr Meddygol Dros Dro ar gyfer Bwrdd Iechyd Prifysgol Abertawe Bro Morgannwg.

- Penodwyd **Danielle Neale** yn **Gyfarwyddwr Cyllid a Gwasanaethau Corfforaethol**. Mae gan Danielle brofiadau amrywiol gyda'r GIG, Y Weinyddiaeth Gyfiawnder, ac mewn gwaith ymgynghori, gan gynnwys swyddogaethau blaenorol Cyfarwyddwr Cyllid, yn ogystal â phrofiad eang mewn gwasanaethau corfforaethol, cynllunio a pherfformiad. Mae ganddi ddi-ddordeb brwd mewn datblygu staff a thimau.
- Penodwyd **Dafydd Bebb** yn **Ysgrifennydd y Bwrdd**. Mae Dafydd yn gymharol newydd i'r GIG, ac yn uwch gyfreithiwr ym Mhartneriaeth Cydwasanaethau GIG Cymru. Mae'n meddu ar brofiad blaenorol fel ysgrifennydd cwmni yn y sector preifat.

Ynghyd â Julie Rogers sydd eisoes yn gweithio fel Cyfarwyddwr y Gweithle a Datblygu Sefydliadol/dirprwy Brif Weithredwr, bydd amrywiaeth dda o unigolion yn y tîm, o fewn y GIG a'r tu allan iddo, sy'n meddu ar amrywiaeth o brofiadau gan gynnwys dilyniant hanfodol mewn meysydd sy'n ganolog i AaGIC yn ogystal â safbwyntiau a phrofiadau newydd o sectorau eraill. Rwy'n hyderus y bydd hyn yn rhoi cychwyn ardderchog i'r sefydliad newydd ac edrychaf ymlaen at weld yr aelodau newydd o'r tîm yn ymuno â ni dros y misoedd nesaf.

Trefniadau Sefydliadol

Dros y misoedd diwethaf rydym wedi bod yn cynnal ymarferion cynhwysfawr i ddatblygu strwythurau sefydliadol newydd ar gyfer AaGIC, sy'n cynnwys llawer o ymgynghori mewnol gyda'r staff a fydd yn cael eu trosglwyddo i'r sefydliad newydd drwy broses Rheoliadau Trosglwyddo Ymgymeriad. Mae'r gwaith hwn bron â chael ei gwblhau, a byddwn wedyn mewn sefyllfa i rannu strwythurau allanol – i sicrhau bod gennym ddigon o amser i ddygydd ag unrhyw newidiadau i brosesau cyfathrebu gyda sefydliadau eraill. Bydd gennym hefyd rolau newydd i adlewyrchu'r swyddogaethau newydd a roddwyd inni, felly cadwch eich llygaid ar agor am unrhyw hysbysebion os oes gennych ddi-ddordeb mewn dod i weithio â ni.

'Cymru Iachach'

Roeddem yn falch o weld '[Cymru Iachach](#)' yn cael ei gyhoeddi yr wythnos diwethaf – mae negeseuon ac argymhellion pwysig a defnyddiol yn y cynllun ar gyfer AaGIC, ac edrychwn ymlaen at gydweithio'n agos gyda Gofal Cymdeithasol Cymru yn ystod y misoedd nesaf.

Digwyddiadau

Yn gynharach yn yr wythnos roeddem yn Llanelwy yn cwrdd â nifer o randdeiliaid a staff yng Ngogledd Cymru i roi'r wybodaeth ddiweddaraf iddynt am ddatblygiad AaGIC, ac i drafod y cyfleoedd a'r heriau penodol yn y rhan hon o Gymru.

Hoffem ddiolch i Gary Doherty, Prif Weithredwr Bwrdd Iechyd Prifysgol Betsi Cadwaladr am amlinellu'r cefndir, a Jo Oak, Cyfarwyddwr Gweithrediadau a Gwasanaethau Corfforaethol Gofal Cymdeithasol Cymru am amlinellu'r cyfleoedd a fydd yn deillio o gydweithio.

Cawsom y cyfle hefyd i gwrdd â nifer o gydweithwyr o'r maes gofal sylfaenol i drafod syniadau ynghylch datblygu modelau newydd a chynaliadwy ar gyfer y gweithlu mewn lleoliadau sylfaenol a chymunedol, gan ganolbwyntio'n bennaf ar addysg a hyfforddiant. Rydym yn gobeithio datblygu rhai o'r syniadau hyn fel rhan o waith Cymru Iachach.

Digwyddiadau'r Dyfodol

Dim ond nodyn i'ch atgoffa y bydd digwyddiad lansio AaGIC yn cael ei gynnal yn Stadiwm Dinas Caerdydd ddydd Llun 24 Medi, a byddai'n hyfryd eich gweld chi oll yno. Fel rhan o'r digwyddiad hwn, bydd staff o'r sefydliadau presennol yn arddangos eu gwaith, felly bydd cyfle i wneud cysylltiadau a gweld yr hyn sydd eisoes ar waith. Rydym yn falch iawn bod Vaughan Gething AC, Ysgrifennydd y Cabinet dros Iechyd a Gwasanaethau Cymdeithasol yn cefnogi'r Lansiad.

Rydym yn gweithio gyda Bwrdd Iechyd Powys i drefnu cyfarfod i ganolbwyntio ar yr heriau a'r cyfleoedd yng nghanolbarth Cymru ym mis Gorffennaf er mwyn parhau â'n rhaglen ac i gael dealltwriaeth glir o flaenoriaethau lleol.

Os hoffech gael gwybodaeth am unrhyw ddigwyddiad AaGIC, e-bostiwch heiw@gov.wales.

Diolch yn fawr iawn am eich cefnogaeth barhaus,

Alex Howells

Prif Weithredwr Addysg a Gwellu Iechyd Cymru (AaGIC)



Cymraeg



English



Cymraeg



English

[Hawlfraint y Llywodraeth Cymru / GIG Cymru](#)